

R
127
1185
12

中國方志叢書·塞北地方·第一九號

據明·孫世芳修·欒尚約輯
明·嘉靖四十年刊本
影印

察哈爾省

宣府鎮志
(全)

11/12
1185
12

成文出版社有限公司印行



10098485

中華民國五十九年四月壹一版

宣府鎮志

全一冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

詭叨官吏局而後進為役牽退為病累無復有舊
念也庚申之歲時食于家御史鑾君尚約過而謀
及則番歲所概于衷者又因而勃然興矣於是忘
其顛蒙殫其知識搜羅惟博檢索惟勤先之往代
史書當朝制冊次之名臣偉議先儒緒言又次
之幽人所憤談譯人所襲謹關世道者筆之不病
於煩悻時宜者文之不病於簡然後發以義例標
以要綱著以條章斷以意見而志成焉志凡為考
二十有六為表有七為傳有九為卷四十有二

金華縣志

五

明王制則損益可推以察天時則休咎可驗以別
地宜則夷險可尋以阜物利則豐約可酌以揆文
教則化之隆汙可原以奮武衛則勢之競弱可究
以定人之倫品則其人言行得失可徵是世芳所
謂志也云爾已昔陳壽氏夙擅文長亟為李延壽
稱許今其史止存紀傳志本及為意蓋慎之信江
淹氏史莫志難之說的不誣也世芳幽朔鄙夫焉
敢望古人畔岸乃於古人所致與者冒然為之妄
作之尤極知難免然政教號令諸天朝頒諸

方岳播諸徼外夷裔者亦既收錄則不惟二中丞
昔所未逮得以續成而天下史賴之參稽者或於
此乎不棄矣後之君子儻能訂正謬戾採掇精微
炳其義於日星嚴其詞於衮鉞庶幾備省戒世
而世芳綴緝初志所托以傳及者益又遠也書完
御史王君汝正董君學相繼以監治來遂屬兵憲
楊大夫巍刻之蓋亦取世芳之說為不誣云
嘉靖辛酉十月既望上谷孫世芳序

金華縣志

四

宣府鎮志序

宣府鎮志凡例

一志擬史作凡國史必先帝紀宣邊鎮爾乃其志何敢僭擬國史乎今類哀鎮事名之曰考寔準歷代史天文地理等志例為之俾師古建事者得取為證據云

一志有六綱以明王制有考其目制置詔以察天命巡省封建

時有考其目彖以別地宜有考其目疆域山川緯災祥

官以阜物利有考其日戶口貢賦官俸軍儲以揆文教有考其日祠祀學

校法令風俗以奮武衛有考其日兵籍兵政兵器兵騎經界征戰

子冊

宣府鎮志

五

六綱舉而人事盡矣故以表傳定倫品焉

一表年以首事歷代史已沿之至其時月日則存闕靡齊焉今止照表年例書事而時月日不書

將以便檢閱避繁瑣爾若夫象緯災祥之類則其時月日又不得不書以致其慎云

一凡大一統時其年號大書無俟論已若我土屬竊據之朝則猶大書正統年號於上見其君為

天下君也理當君我而勢不得君之也我所屬之國則細書年號於下見其君為我土君也勢

固君我而理不得君之也他如南北朝相敵朱子綱目固已並書然綱目天下史故宜公天下為心今志則邊鎮史也要惟示以中國為重爾大書南號而北號細書其下雖統之正閏不計焉則又見我土中國土也中國主當君我而夷狄主不得君之也

一凡紀事皆首書國號在割據時所首書者惟正統國號一字我土所屬竊據國則次行書云某國某人某事若曰此晉之元魏周之契丹宋之

子冊

宣府鎮志凡例

六

金元國云爾至於正統既絕始以竊據國承之仍白其字文為別若曰此陰中之陽也而天地

之大變見矣如石晉以漢地賂契丹且稱為臣子是率天下而夷也故紀其事亦稱臣非其所欲不忍以此例待之矣他倣此

一凡正統之君其所稱號如唐虞曰帝夏商周曰王自不可易其秦漢以下或稱某皇帝或稱某

帝或稱某祖某宗皆緣舊史所稱書之其竊據我土之君則別稱曰某國主初入志仍書其名

後不再見蓋以著僭偽謹端微也若文有不用

2

稱君者又止書某國不盡拘此例云

一我土入竊據之國為石趙為慕容燕為符秦為拓跋魏今紀事皆因其舊號書之惟契丹中葉稱遼乃不以遼書蒙古至世祖時始稱元乃於其先不以蒙古書何也曰紀事之書稱謂不一則檢閱易淆故始終書契丹書元者以此又且遼號未久旋復契丹而國朝之作元史亦自其開基時即元之矣是豈過於夷遼而急於帝元者邪

子冊

不重府錄志凡例

一上谷在燕秦時疆域甚廓舊應昌舊開平舊興和皆屬地也我一朝封守少踈漸淪異境而宏規善政施及其方向有傳者今皆附載志中不以地出徼外為嫌云

一凡所紀事俱用大書而體格不一有聯絡數句為文其意義始足如制置考之類有標題一二句為文其旨要已存如詔命考之類有不能為文而直書名物以其實蹟如山川考之類皆就文勢之便者為之俾一方典故賴此以未爾故

即以揆諸前史亦未嘗不與符合也

一志為脩人事而作則二十六考備矣巡省而及遊畋何綱目書作上林苑之意也災異而及祥瑞何綱目書鳳凰集甘露降之意也祠祀而及寺觀何綱目書立太乙祠脩同泰寺作永寧浮圖之意也其所謂因以為戒者與

一事有利我土者書為其時幸之也有害我土者書為其時閔之也書或重見不削必大有利害其間而幸之閔之者屢也他若創始之類雖利

子冊

不重府錄志

害至微亦必書以示慎然惟其初一見於志而已

一凡關繫我土邊務與他邊事體相同者書專為他邊者不書關繫我土大政教與內郡邑相同者書專為內郡邑者不書理要所存則採取雖廣而不以為濫也理要所不存則收錄雖約而不以為踈也

一志準史書而作其所為文特因種傳記所載著之非有褒貶予奪其間敢倣孔朱書法也然就

中事同詞異事異詞同抑揚輕重未為無意要在覽者自會之所謂據事直書而美惡自見者蓋有之矣

一凡紀載諸類既已大書其顛然事不能盡以詞括意不能盡以詞明者皆注於下俾易得檢尋他如名卿之所敷陳鉅儒之所講畫風雅士人之所詠紀各以類入而已有所見亦竊附焉要之裨益邊籌維持世教則雖涉於傳取亦所不嫌也

子冊

八書序錄

九

一莅政茲土曰職官論秀茲土曰選舉金元以上代或稱聞然世遠人亡無所考據雖在諸史有因事而見者亦不過什之二三耳今斷自

國朝作為年表七卷人屬優品者特附一二語著見金元以上追我 國朝諸賢實有誌述可聞睹者則又更為立傳以詔後世云

一職官自鎮巡而下至司衛州縣長貳等員皆自 聖宗朝額置得代乃遷因為年表叙次之若總制軍務及總督糧儲大臣則時至時還原非額置且

所統屬更廣比之專土者不同今故不以繫諸年表而於經畧考見焉要今居官者不得自眇其所有也

一名宦傳傳仕於我土者之賢鄉賢孝友貞烈傳傳生於我土者之賢固已依類分叙矣若忠義文學異術凶德四傳則其人或出自我土而事見他方或來自他方而事見我土亦皆參錯取錄各於傳類見之俾後世君子取為法戒云

子冊

八書序錄

十

一列傳所序諸賢皆考之方策徵之誌銘詢之耆碩必政而有成者得與無成者否行而有實者得與無實者否固皆的然不誣也若見存於世雖為一時聞人亦不得阿私收入要以俟諸論定云

一志所載事於秦漢唐畧於魏遼金元詳何也秦漢唐都關中眎我土遠魏遼金元都燕代眎我土近遠則經理踈近則封植密勢自然也而况我

朝列為畿輔將以控制諸國其經理封植奚啻

十倍於秦漢唐及魏遼金元者邪取而紀之蓋有不得不明備者矣

一志所紀事多自二十一史中攷用者二十一史外則漢唐以來諸簡冊國朝諸制書歷代儒賢諸文集以及評官所述殘碑所遺亦皆取可傳信者補闕漏焉如或攷索未明則寧畧不備非敢臆度懸斷失本真也蓋深致其慎以俟來哲云

志電例

宣府鎮志目錄

考凡二十有大

制置考

詔命考

巡省考

封建考已上明王制

象緯考

災祥考已上察天時

疆域考

子部
宣府鎮志

山川考

形勢考

亭障考

城堞考

宮宇考已上別地宜

戶口考

貢賦考

官俸考

軍儲考已上阜物利

祠祀考

學校考

法令考

風俗考已上撰文教

兵籍考

兵政考

兵器考

兵騎考

經畧考

兵

宣府鎮志

五

征戰考已上本武備

表凡七

職官表一總理文臣

職官表二鎮戍武臣

職官表三守土武臣

職官表四列序武臣

職官表五理餉文臣典務文臣

選舉表一制科武科

選舉表二歲貢

傳凡九

名宦傳

鄉賢傳上

鄉賢傳下

忠義傳

孝友傳

文學傳

貞烈傳

異術傳

兵

宣府鎮志



五



凶德傳已上笑人倫

右鎮志凡考二十六卷表七卷傳九卷總四

十二卷

宣府鎮志目錄





宣府鎮志卷一

翰林院 國史脩撰上谷孫世芳脩

巡按直隸監察御史膠東樂尚約輯

巡按直隸監察御史薊門王汝正校

制置考

夫畫野建邦設官莅政隆古然矣然制以時便法以勢宜聖人不能強也宣為中國北防代勤經理其郡邑軍州以及職守建立因革奚啻數十易哉要之煩簡趨時疎密乘勢其揆一爾今特詳之以

州

宣府鎮志

王

著變通大義而王化汚隆國統離合夷狄弱強亦可觀其故矣作制置考

唐

帝遭洪水天下分絕使禹平水土還為九州時地屬

冀

虞

帝肇十有二州一曰幽州置牧時地屬幽

夏

禹王受禪五帝者萬國乃復為九州地屬冀

商

湯王當夏之衰諸侯無拜既受命亦為九州分統天下地仍屬冀

周

武王分天下為九畿成王復曰九州掌以職方氏時屬幽境介北夷赧王時燕置上谷郡築長城制之至燕王喜八年割山後地與趙相易二十三年趙又攻拔三十城自廣

秦

漢

始皇帝二十六年既并天下分為三十六郡其一上谷置守尉監在谷上故名

高帝五年分上谷郡地為涿郡各置郡守關南曰涿北曰上谷

武帝元封元年分天下為十三部郡屬幽州部更郡守為太守其屬縣治以令縣曰沮陽今保泉上今懷來

北平今懷來軍都保安東南居庸今為薊今鎮夷興今鎮

昌平今昌平廣寧今隆慶涿鹿今涿鹿且

居今開平外今開平茹今開平女今開平下今開平落今開平又置陽原

今嶺南陵今萬代今嶺南廣昌今置千別屬代郡云

聖西嶺陵左右代今嶺南廣昌今置千別屬代郡云

守曰大尹及改上谷諸縣名夷與曰朔調亭沮陽曰

樹寧曰博康廣寧曰廣康涿鹿曰博陸且居

曰久居茹曰毅武方和曰和下落曰下忠

光武建武十五年復為上谷郡置守尋徙吏民居庸

東遼匈奴增調屯兵備之二十六年歸所徙吏民以

昌平居庸屬廣陽今順天府其泉上夷與且居茹女和

並省餘八縣存治以令時以天下損耗官多適

獻帝建安十八年以羌胡大擾吏民流散省幽并為

一復屬冀二十五年魏曹不初篡經夏邊土更分幽

并屬幽

晉

武帝太康元年分郡地置廣寧郡以沮陽居庸縣屬

上谷下落涿鹿縣屬廣寧餘為鎮分屬其郡守皆加

將軍

懷帝永嘉五年上谷廣寧民以幽州刺史王浚謀逆

歸并州刺史劉琨于中山於是浚伐琨歸其民

愍帝建興二年上谷勸琨殺之以尚書劉劭行幽州

刺史事置諸守令還翰乃以二郡歸段匹碑鮮卑種

成帝咸和四年後趙石勒破匹碑郡降趙

穆帝永和六年趙永寧燕慕容儁破趙幽州遂遷郡

人于徐無北平

帝奕太和五年秦建元秦苻堅伐燕滅之郡降秦

孝武帝太元元年秦建元秦慕容垂叛自號後燕郡

降燕二十一年後拓跋魏魏王珪攻燕上谷廣寧二

郡降魏魏置大都督府領軍戎

宋

順帝昇明三年魏太和魏合上谷廣寧為東燕州置

三刺史皇室一人異姓二人比古上中下士改其縣

下落曰文德陽原曰長寧餘仍舊各治以三令如州

後又於長寧東置安塞軍今順聖東城劉守

陳

武帝永定二年北齊天齊改東燕州為北燕州置長

寧永豐二郡涿鹿西屬長

隋

寧永豐二郡涿鹿西屬長

寧永豐二郡涿鹿西屬長

文帝開皇七年名易州為上谷郡省北燕州以諸縣屬涿郡增置油雲陽壽開陽三縣附焉北三縣今路地

唐

高祖武德元年改郡稱州太守稱刺史至七年高開道誅遂改懷戎縣復為北燕州加號刺史持節開道

戎以突厥入寇劉世讓禦之因虜威進保武州虜壞城世讓柵拒免至是開道將張金樹誅開道歸正云

太宗貞觀八年復改北燕為媯州其武州西沒於突厥者咸取之屬河北道置節度經畧使

大壽縣

高宗永徽元年置狼山都督府今懷來西永樂間王師駐此改良山

玄宗天寶二載改媯州為媯川郡以山後諸縣屬罷刺史置守其武州仍領縣文德郭倚

穆宗長慶二年改媯川郡復為媯州領縣一懷戎四鎮

治口廣邊俱今東北改涿鹿為新州領縣四永興郭倚

山今永寧衛古俱今懷來改廣寧為儒州領縣一緡今永寧衛古

武宗昌年置山北八軍武州曰雄武新州曰武定先年媯州曰清平儒州曰緡陽長寧曰橫野

使蔚州曰忠順其彰國順義二軍西屬應朔絳置團練

昭宗乾寧元年李光籌募燕李克用破之取武新媯儒州表劉仁恭為節度使後仁恭叛克用附梁其子

守光復叛其父自帝克用子存勗討平復取四州八軍

昭宣帝天祐十一年四年梁已篡改元契丹入寇武新媯儒州以次陷遂改武為歸化州媯為可汗州新為奉聖州餘仍舊次年晉王存勗命李嗣源復取之

後唐

軍府鎮志

潞王清泰三年河東節度使石敬瑭割山後諸州

契丹

宋

太祖開寶三年契丹保寧二年命防禦使馬仁瑀畧山後地未獲地僅取生口還

真宗祥符七年契丹開泰三年契丹置奉聖府轉運使天禧

三年契丹開泰八年契丹分歸化地置德州下刺史德州今

衛今左衛領縣宣平今張家口堡懷安天成成今作城在懷安西改屬大同威寧

置北安州興化軍漢女邪縣地今上刺史領

縣利民漢且置弘州傳寧軍下刺史領縣永寧

順聖西川順聖非今永寧也

仁宗景祐三年契丹置興州中興軍領縣宣

興與安元屬興和路治以節度使又陞武定忠順二

軍俱為節鎮

徽宗宣和四年契丹保金陷契丹舊武新嬌儒對州

因尋盟以其地歸宋宋築固疆堡守之六年復陷于

金

高宗建炎二年金天會金改弘州傳寧軍為保寧尋

廢軍存州領縣仍二其永寧改曰襄陰順聖如故其

鎮曰陽門貞祐二年改大羅

孝宗乾道三年金大定金改歸化州為宣化州領縣

宣德倚郭今柔遠今萬全右衛尋省德州以所屬縣

來屬

光宗紹熙三年金明昌金陞柔遠縣為撫州置上刺

史至承安二年陞節鎮名鎮寧軍領縣柔遠集寧

豐利今興和威寧懷安仍置昌州即華林今

平寶山縣今八來屬

寧宗開慶元年金明昌金置桓州威遠軍雲州東北

即金降節度為刺史領縣清塞嘉定二年金大安金

陞奉聖州為德興府置尹領縣德興倚郭更名為川

衛縉山更儒磐山今磐割宣德之龍門縣

屬四年金大安元兵狗桓撫二州因陷德興媽川縉

山弘州五年金景寧元陷宣德改宣寧州置山東路

總管府

理宗景定元年元中統元陞撫州為隆興府割宣德

之懷安天成高原改柔遠三縣屬名興和路置宣慰

司陞桓州為開平府割興州之宜興興安二縣屬名

上都路置留守司四年元中統元陞宣寧州為宣德

府領縣三宣德倚郭宣平順聖仍以蔚州並縣來屬

上都路罷總管府

度宗咸淳元年元至元元降德興府復為奉聖

宣德府

成宗大德八年置松州領縣松雲置寧州領縣寧置

源州領縣隆興廢隆俱屬上都路後寧源州縣廢松

源州領縣隆興廢隆俱屬上都路後寧源州縣廢松

仁宗延祐二年陞縉山縣為龍慶州帝生於州之香水園故名

割上都之宣德府及所屬州縣隸大都路

恭定帝泰定二年以宣德府復隸上都留守司

順帝至元四年以地震改宣德府為順寧府奉聖州

為保安州

皇明

高皇帝洪武元年命大將軍徐達取大都元主如開

平二年征虜將軍常遇春兵至開平都督汪興祖兵

至興和元主乃奔應昌遂取之因置開平衛指揮使

字冊

宣府鎮志

元

司興和懷來俱守禦千戶所三年命平章湯和取宣

德叅政華雲龍取雲州左副將軍李文忠取應昌今

外諸郡縣皆附因徙其民如居庸關諸郡縣廢特遣

將卒戍守之名宣德曰宣府因宣德府舊名二十六

年置宣府前左右三衛于宣德初擬置五衛後以重遷罷置萬全

左右二衛于宣平後城德勝口置懷安衛于懷安廢

縣俱領以指揮使并開平興和懷來衛所隸北平都

指揮使司衛置使同銓經歷鎮撫五千戶所置正

衛丁實之其宣府左衛以音府左護衛調充宣府右衛以定州右衛調充典和所以大興衛左所調充

文皇帝永樂七年置鎮守總兵官佩鎮朔將軍印駐

鎮城自是始稱宣府鎮總兵十一年置隆慶州即元

及永寧縣州即縉山元又名神峯鄉今置縣隸十二年

置保安衛于廢州置美峪守禦所于美峪在保十三

年復置保安州後於州北二十里城灤家置永寧衛

附縣郭置保安右衛治順聖東城保安右衛調天策

內十六年改懷來所為衛華北平都指揮使司諸衛

所直隸京師二十年棄興和徙其守禦所附宣府時

和鎮守新寧伯譚忠出獵守備都指揮王煥郊中

字冊

宣府鎮志

三

門者以為煥也納之城遂陷煥亦被殺棄地蓋二百

里是歲御駕親征阿魯台舊志以此為元年事考

之通紀在是年三月先是成祖北伐還日滅此惟守

開平興和宣府特為內防耳如以

為元年奉何聖訓文及此也

章皇帝宣德元年命監察御史巡按時畿省各一員

遣稱巡按直隸者五年置萬全都指揮使司以都指

揮使掌司事都指揮同僉貳司事時總兵永寧伯譚

後軍都督府限隔關徙居庸關隆慶右衛附懷來隆

慶左衛附永寧割大同之蔚州衛及廣昌所來屬蔚

是在金元俱屬宣德國初改屬大同至棄開平徙其衛

治獨石國功取開平既設衛又東置涼亭沈河賽隆
四驛接獨石永樂初大寧既棄開平失援難守至是
總兵薛祿陳其狀遂移衛獨石棄地蓋三百里○
大寧在今古北口外洪武間封寧王置北平行都司
于此革除年既借鎮兵靖難因徙寧府南昌改都司
名大寧徙保定遂使遠無右六年置龍門衛于廢龍
門縣置龍門守禦所于廢縣之東莊從總兵譚廣請

睿皇帝正統三年置巡撫都御史

景皇帝景泰四年置雲州守禦所于廢州五年置協

守副總兵官初用侯伯都督參將及分守北路參將

睿皇帝天順元年罷巡撫都御史武清侯石亨都督張軹私囑各邊巡

撫不遂固請置戶部督餉即中二年復置巡撫先是

罷去遂從之置戶部督餉即中二年復置巡撫先是

巡撫武官縱肆貪暴士卒疲弊邊徵驍然上悔之乃議復置

純皇帝成化三年置遊擊將軍前此遊擊領京營兵

兵統以遊擊號稱前鋒云五年置分守東路參將八年設兵戍守

葛峪大小白陽常峪青邊趙川六堡置協同參將統

之尋革去十年置分守西路參將二十年置分守南

路參將

敬皇帝弘治三年置長安守禦千戶所治槍竿嶺五

年置分巡按察僉事顯除給勅列銜山西七年徙永

軍衛中左千戶所治四海冶本四合治以四水合流故名謂之治者古蓋治

教皇帝正德四年增置遊擊將軍選銳卒三千額之

今上皇帝嘉靖元年置分守中路參將十八年置分

守布政司參議分巡三十六年置按察副使兵備

懷隆三十八年置按察僉事兵備赤城二司俱顯除

給勅列銜山西兵將未增而設官益衆

右自國初至此凡置衛所二十有一屯兵城堡

三十有三俱隸萬全都司其隆慶保安二州永寧

子冊大寧衛志

論曰幽陵在上世已入幅隕然界于北夷固征討所

不廢也黃帝逐葷粥而來唐虞夏殷盛矣周漢日兢

兢所謀議將不是在乎而卒未能腥羶我境字者蓋

不獨天數之定耳晉之弱也索頭燎芒而熾其焰于

拓跋魏唐之削也耶律導濁而潰其流于奇渥温元

氣弗固外邪乘之理固宜然矣

祖宗廓掃氛祲垂二百祀輿圖我土冠裳我域乾坤

再造也乃今日所以固元氣者昧昔則如何於戲儆

再